

# **Landesbibliothek Oldenburg**

## **Digitalisierung von Drucken**

**Terentivs,|| A` M. Antonio Mvreto|| locis prope  
innumerabilibus|| emendatus.||**

**Terentius Afer, Publius**

**Venetiis, 1558 [erschienen] 1559**

Prologvs.

[urn:nbn:de:gbv:45:1-723936](#)

ANDRIA TERENTII      T  
ACTA LVDIS MEGALENSIB.  
M. FVLVIO, ET M. GLABRIONE  
AEDILIB. CVRVLIB. EGERVNT L.  
AMBIVIVS TVRPIO, L. ATILIUS  
PRAENESTINVS. MODOS FECIT  
FLACCVS CLAVDII, TIBIIS PARIB.  
DEXTRIS, ET SINISTRIS. ET EST  
TOTA GRAECA, EDITA M. MARCELLO,  
C. SVLPICIO COS.

PROLOGVS.

Oeta cum primum animum ad scribens  
p        dum appulit,  
Id sibi negoci credidit solum dari,  
Populo ut placerent, quas fecisset fabulas.  
Verum aliter euenire multo intelligit:  
Nam in prologis scribundis operam abutitur,  
Non qui argumentum narret, sed qui maleuoli  
Veteris poetæ maledictis respondeat.  
Nunc, quam rem uitio dent, quæso animum aduortite:  
Menander fecit Andriam, & Perinthiam.  
Qui utramuis recte norit, ambas nouerit.  
Non ita sunt dissimili argumento, sed tamen  
Dissimili oratione sunt factæ, ac stylo.  
Quæ conuenere, in Andriam ex Perinthia  
Fatetur transtulisse, atque usum pro suis.  
Isti id uituperant factum, atque in eo disputant,  
Contaminari non decere fabulas.  
Faciunt næ intellegendō, ut nihil intellegant.

A        Qui



A N D R I A

Qui cum hunc accusant, Nævium, Plautum, Ennium  
Accusant, quos hic noster auctores habet:  
Quorum æmulari exoptat negligentiam  
Potius, quam istorum obscuram diligentiam.  
Dehinc ut quiescant porro, moneo, et desinant  
Maledicere, malefacta ne noscant sua.  
Fauete, adeste æquo animo, et rem cognoscite,  
Ut pernoscatis, ecquid spei sit reliquum,  
Posthac quas faciet de integro comoedias,  
Spectandæ, an exigendæ sint uobis prius.

ACTVS



## ANDRIA

Non dubium est quin uxorem nolit filius:  
Ita Daum modo timere sensi, ubi nuptias  
Futuras esse audiuit. sed ipse exit foras.

## ACTVS PRIMI SCENA II.

DAVVS, SIMO.

- D. Irabar, hoc si sic abiret: et heri semper lenitas,  
M Verebar, quorsum euaderet.  
Qui postquam audierat non datum iri filio  
uxorem suo,  
Nunquam cuiquam nostrum uerbum fecit, neque id  
ægre tulit.  
S. At nunc faciet, neque, ut opinor, sine tuo magno malo.  
D. Id uoluit, nos sic nec opinantes duci falso gaudio,  
Sperantes iam amoto metu, interea oscitantes opprimi,  
Ut ne esset spatium cogitandi ad disturbandas nuptias:  
Astute. S. carnifex quæ loquitur? D. herus est, neque  
præuideram.  
S. Daue. D. hem, quid est? S. ehodum ad me. D. quid hic  
uolt? S. quid ais? D. qua de re? S. rogas?  
Meum gnatum rumor est amare. D. id populus curat  
scilicet.  
S. Hoccine agis, an non? D. ego uero istuc. S. sed nunc  
ea me exquirere,  
Iniqui patris est: nam, quod antehac fecit, nihil ad  
me attinet:  
Dum tempus ad eam rem tulit, siuui animum ut exples  
ret suum:

Nunc

